



Ikamva-Ukunonophela
abantwana bethu

IsiKolo seCawa 3

Isihloko sesifundo: UYosefu endlwini kaPotifare

Isikhokelo soMzali

Isikolo seCawa saseKhaya



Mzali Othandekayo

Wamkelekile kwifundo sesiKolo seCawa 3 esithi “**UYosefu endlwini kaPotifare**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYosefu endlwini kaPotifare
Isicatshulwa seBhayibhile	Genesis 39: 1-21
Injongo yesifundo	Abantwana bafunda ukuba uThixo uyabasikelela kwaye abakhusele abaKhe kwiimini ezilungileyo nezimbi.

Isishwankathelo sesifundo:

Isifundo sifuna ukubonisa ukuba nokuba asiziqondi iintsuku ezimbi ebomini bethu, uThixo unecebo. Ufuna ukusisikelela kwaye asikhusele.

- Abarhwebi bathabatha uYosefu bamsa eYiputa baza bamthengisa njengekhoboka kuPotifare, umphathi wabalindi basebukhosini. UThixo wayele enaye uYosefu.
- Kungekudala uPotifare waqonda ukuba iNkosi iyamnceda uYosefu ukuba aphumelele kuyo yonke into ayenzayo. UPotifare wamthanda uYosefu, wamenza isicaka sakhe, wambeka ukuba apha the indlu yakhe nayo yonke impahla yakhe.
- Umfazi kaPotifare naye wamqaphela uYosefu kwaye uzama ukumenza amthande. UYosefu wala kuba wayesazi ukuba ayilunganga kwaye izakukhathaza uThixo noPotifare.
- Umfazi kaPotifare akazange anikezele kwaye waqhubeka nokumcenga uYosefu. Ngenye imini, wazama ukumanga, kodwa wazitwbulula waza wabaleka. Uthe xa ebaleka, wabamba ingubo yakhe waphuma kuyo.
- Waba nomsindo kakhulu waza wafuna ukumfaka engxakini uYosefu. Wabuya wabiza abanye abakhonzi, wathi, UYosefu ufuna ukungena ebhedini yam; ndakhala, wabaleka, wayishiya ingubo yakhe.
- Ukufika kukaPotifare, umfazi wakhe wambonisa ingubo kaYosefu, wathetha ubuxoki. Waba nomsindo kakhulu uPotifare, wamfaka entolongweni uYosefu. Kodwa, uYosefu waye thembele kuThixo kwaye wayesazi ukuba uThixo unaye.
- Ubabalo lukaThixo kunye nentsikelelo yayikuYosefu kwaye akuzange kube kudala wabekwa ukuba apha the yonke into entolongweni.

Sithetha ukuthini esi sifundo kuthi namhlanje?



- Ngamanye amaxesha siba namava ngezinto esingaziqondiyo. Nangona uYosefu wayenxubile kwaye engasiqondi isizathu sokuphoswa kwakhe entolongweni, kodwa waluthemba uncedo lukaThixo
- UYosefu usikelelwe kwaye ukhuselwe nguThixo kwiimini ezilungileyo nezimbi.
- UThixo ufuna ukusisikelela aze asikhusele. Nangona singasoloko siziqonda iindlela zikaThixo, sinako ukumthemba.

Eminye imibuzo esinokuyibuza:

1. Ngubani igama lendoda awathengiswa ngayo uYosefu njengekhoboka eYiphutha?

Ipendulo: NguPotifare

2. UThixo wamsikelela njani uYosefu, xa wayelikhoboka endlwini kaPotifare?

Ipendulo: UYosefu waye enempumelelo kuyo yonke into awayeyenza kwaye uPotifare wamenza ukuba abe ngumphathi wendlu yakhe kunye nempahla yakhe

3. Kwakutheni ukuze uYosefu aphoswe entolongweni nguPotifare?

Ipendulo: Umfazi kaPotifare waxoka waza wathi uYosefu wamhlasela

4. Kwenzeka ntoni kuYosefu ngelixa waye sentolongweni?

Ipendulo: UThixo waye enaye waza wamsikelela kwakhona. Wabekwa ukuba aphaathe yonke into entolongweni.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen